

甌

甄

洞

藁

甌甌洞葉卷之六

武昌吳國倫著

始安張鳴鳳校  
新安方尚贊校

五言古六十五首

倦鳥吟

予旣聞貴筑之命踰嶺海還過里中自念在  
高涼三年劬勤戎馬神氣都盡又生平拙宦  
縑結無奇而復負病遠遊恐亦終無所效趨  
趨踰數月不欲戒裝而一二親故時來勸駕  
至以大義責之乃作倦鳥吟以解嘲云

有鳥自朔方翱翔萬餘里悲鳴紫塞外還顧湘江淚

頗經霜雪摧況乃憚羅矢唼喋常苦飢朝管莫猶徙  
北風刺肌骨羽翮頽然委息影巢故林一枝良足倚  
仰吸清露漿安知稻粱美所以綿蠻詩宣尼歎知止  
發家赴貴陽與仲兄言別

河水清且漣輕颺蕩寒煙鳬鷖各有匹荇藻紛相牽  
況乃同根樹枝葉故纏綿沆瀣沃已深仰欲參高天  
念茲友于義三歎和樂篇何當遠離別顧影中自悵  
豈以列鼎華曠我豆與邊豈以衆音豔奪我簞與塤  
垂老苦行役欲發不遽前排徊在中路夕晷爲我延  
加餐幸自保皓首常來還

劉世仰追送至蘄春舟中夜酌

三日別已遠川塗望悠悠胡然白頭浪撼我青雀舟  
菰蔕飛一葦磯邊散羣漚美人意良厚濁酒歡且酬  
明月生斷岸前峯在中流曼聲答漁唱醉語寬離憂  
江漢豈足廣蘭蘅爲君投東風席如駛明發不可留  
夜泊黃州少宗伯丘公偕王侍御汪職方羅別

駕攜酒見訪

挽舟上高江風急濤轉怒避之沙岸間浮煙濤回渡  
咫尺永安城不見樊口渡鱗鱗至軒車眷眷皆親故  
還哉萬里人夢寐欣良晤躑躅感今昔攜手復四顧

行廚膾雙鯉漁歌侑清醕解我顚顚容含情爲君吐  
中夜起扣舷明月在高樹戀此平生歡其如迫往路

春日登高示諸生

夷居良不薄鳳嬉從之遊大哉孔尼父道廣難爲侔  
天啓我

高皇靈光被六幽渺爾驎介區化爲魯與鄒纓綬燦  
以繁禮樂何綢繆吾與二三子騁望登高丘東撫夜  
郎臺西瞰盤江流古今變須臾夷夏此一陬姬跡荒  
高山禹功同九州匪厥神授資誰當壯其猶今我懷  
遠牒與子偕好脩萬里安足遐瘴癘非所憂但飽公

家粟無從效前籌德業苦不競歲序忽以道俛仰太  
平世恐遺童冠羞勉旃戒茅塞改轍遵道周

道逢劉正言憲長入部

別君薊北門逢君夜郎道今德良所欽榮名亦何早  
三巴復三秦相望令人老緬此靡莫區關路漫浩浩  
軒車從何來爲我舒懷抱前綏爲君持浮雲爲君掃  
居夷義所安抗志歷幽討

得元美書有感

遠遊意不適怳然思所親旅鴈從何來乃自江之濱  
繫書萬餘里弱羽一以振翔雲與之俱投我何逡巡

長跼省書意金石無緇磷皎如若木華重比連城珍  
故人義已厚令我滋含辛感彼同心言嗟此異域身  
皓首亦有期欲濟河無津腸斷不盈寸那能轉車輪  
晉定署中對石山獨酌

亂山抱孤城空館負奇石息駕天垂晡臨軒景如劃  
簷楹寂不華峯巒潏相射環堵未一區飛梁欲千尺  
風來篠爭鳴雨過瀑新溢跋履行絕顛俯身瞰幽宅  
煙迴日觀蒼霞結天台赤獨酌性所便遠遊意何適  
纖月銜柯亭明星燦蘿壁須臾變初境天地一陳迹

晚過水閣箒

木閣高凌空盤紆鎮邊鄙今茲遠行違僕御何所歷  
壁暗號玄猿箐深伏蒼兕歛焉山霧黃鵬伐劍光紫  
脩坂去忽迷駭石迫相抵行行日西匿前林戍煙起  
羅夷三五徒逢迎出樵壘踉蹌無致辭前驅負轡矢  
疇云匪我族胡乃安事使皇風浩無隄異域懷孔邇  
三復何陋言悟茲變夷理

過孛羅箐

舍車陟脩阪叢樾何鬱紆幽篁百餘尺惡木相扶疎  
陰風振巖柯毒霧黯若嘘怪禽鳴我前猛虎行負嵎  
尺路難可辨停筇復斯須徒旅忽以遠劍氣慘不舒



奮臂呼當關山靈爲先驅陽輪在西麓返照羅夷居  
稍聞笳鼓聲前旌去徐徐蹈險不及踵胡然有康衢  
義命良所安況乃天生予

重陽後一日登東山寺

九日不登高煙霜澹林麓十日秋氣清東山倚天矗  
複道紆新綦琳宮隱扶木振衣躡其顛一縱千里目  
荒城大如斗衆山渺焉伏掃石坐層雲鳴鐘發幽谷  
僧至焚妙香居然在天竺忽開西域蓮掩彼南陽菊  
何言非吾土良遊此堪卜

別林仲清

夙昔秉孤尚結友如辰參去國萬餘里何當邁同音  
美人自新知一日義已深齊軌適中陸不復嗟滯淫  
青霞結爲佩明月持爲簪芝蘭自有臭松柏亦有心  
明發與子辭離憂難獨任生如斷蓬藿安得同幃衾  
流光不及瞬青驪逝駸駸交期盡皓首勿作南冠吟

平溪別方以賢丘子晉

濺濺巖下溪皚皚溪中石瑟瑟西南風颼颼一蓬迹  
矯矯二大夫勞勞感今昔昔從帝里遊今同鬼方役  
古道有坎坷達宦鮮長策盛年良易衰流光但虛擲  
會晤能幾時忽復當遠適念至慮亦深綢繆亘晷夕

赤霜爲我袍青霞爲我舄酌以蘭桂醕使我顏色澤  
感茲金石心欲往涕如繹三宿車不膏王程苦相迫  
後期當奈何願假晨風翮

武陵北郭外田家別曹名卿

與君已言別眷我殊未休送送齋酒脯行行越山丘  
停茲道傍舍面彼河上洲鳬鴈紛唼喋松蘿故綢繆  
況我同心友念當遠行遊興言自清臬顧影俱白頭  
風志豈不廣末路難爲籌和光委明哲獨行臻好脩  
努力但相保睽離非所憂

輓梁思伯

別君十年餘思君萬里道只怪緘書遲那知厭世蚤  
忽沈南海珠罷起明光草石墨與丹鉛遺爲藝林寶  
綈帙虬龍蟠素練煙霏掃一抹幅川明片楮蘭亭巧  
此物神所忌斯人豈難老波昏蛟女宮霧吸龍駒島  
遊魂去何之泉路漫浩浩朝露本易晞晨星不及杲  
遂今五嶽軀徒徇一丘槁望海迷津途臨風薦蘋藻  
儻遊逍遙墟安見非壽考

高辛村卽事

驅車小蒙城騁目高辛里新暑氣尚微繁陰密如綺  
青楊夾道周二麥何纚纚西日隱故宮遙見千家市

風土昔所諳流光忽焉駛耆舊聞我來遮塗走相視  
一一前致辭但問髮與齒壯者負橐鞬老者餉瓜李  
何哉一故尉慙慙猶乃爾將無宋人愚莫知楚人鄙  
感此懷餘慙汗下幾浹趾

入大梁思亡友李于鱗詩

有序

蓋于鱗按察大梁時遭喪東歸遂病不起今  
五六年矣予來望其故署爲之惻然爰有是  
作

繹繹大梁市車騎何紛綸浮雲翳官閣古木森城闔  
昔我李夫子攬轡黃河濱采風歷二南執法昭三辰

中土欽名德燁燁鳳與麟皇天忍降割胡然奪其親  
哀哀向河濟奄忽俱沈淪而我踐斯境寓目皆含辛  
已矣竝驅意握蘭渺無因夷門慘不華平臺蔽黃塵  
大雅日以遠流俗日以新知音阻泉路念之滄盈巾

謁于少保廟

少保社稷臣丹心燭千古立朝策元勲定難表神武  
一言凜萬鈞萬死輕一羽寧犯天鉞誅奸寧負

皇祖置國等泰山四方用安堵壯哉方叔猷豈其與  
公伍昔公馭絳騶布德綏中土至今河嶽間痛哭思  
恃怙幾幾報功祠乃在汴之許遺像儼如生文章錯

珪組賤子登斯堂百年宛親覩循循一儒流忠貞播  
寰宇顧瞻有餘慙談往舌欲吐采薇首陽山采蘭沅  
湘浦薦之諒所歆聊以充簋簠

劉生順思爲予臨馬圖因贈

君家故擾龍子復能圖馬貌山宛渥姿豈在曹韓下  
霜蹄躡崑墟肉翻騎襄野九逸難爲羣千金安足賈  
竦身骨權奇流汗血沾灑影躡飛電馳吻決奔泉瀉  
心手自爲師古今不相假壯哉萬里神令人隘中夏

賦得鐵如意酬胡茂承

客從天都來授我鍊如意鼎色星文纏金精雲葉墜

豈發歐冶型不交倏飛臂突指鮮見珍鏗鏘自爲瑞  
摩挲冰雪生起舞蛟螭避繁肘觀道書冥心悟高義  
百鍊本無庸千金誰與易嗟予已華顛羈旅寧素志  
將謝執珪榮且釋操刀累異哉美人遺良爲達者事  
豈必驕珊瑚長當遠魑魅

還次陽臺與李子華夜談養生二首

朝下八仙壇暮宿九芝嶺淫潦塗故宮荒蘿蔽空井  
丹竈灰不<sub>能</sub>青精飯已冷篝燈坐談玄寂寞是真境

其一

大藥<sub>難</sub>就神仙自有真欲乘羽車去天路迷無津



安得遶霞友與之延谷神君家伯陽子無乃有後身  
行部過宋答諸父老

憶予昔蒙詔去國來遊梁俛首在末位磬折長吏旁  
理牘勞無奇虛勤薦者章三年不見收棄之還故鄉  
詎知河復清神劍赫上方氛裊一以廓日月開天閭  
奉詔起巖穴緩步由康莊茲行蒞中土白首悲昂藏  
回瞬十五載駸駸感流光踐茲昔遊境父老遙相將  
遮道不及前扶攜弔風霜馮軾復四顧淫潦何湯湯  
巖城故無恙者碩有存亡千樹多可材二麥半在場  
旬宣匪曰能共濟思寨裳閭閻但耕鑿生齒殊未央

嗟予衰已甚舊業臨滄浪倦鳥持弱羽焉能久矧翔  
念當從此逝何以志不忘

懷汪司馬伯玉

伯玉自古貌生平懷壯猷四十秉旄鉞決策清南陬  
五十佐樞府宣威壯邊州矯哉文且武將紆至尊憂  
握筆上封事班班晁賈流詞林寶副墨黃口紛相讐  
歸來息塵鞅但臥枕墳丘豈其介如石將從赤松遊  
舉世一知己於人復何求離居倘終老浮雲悵悠悠

懷孫祭酒山甫

山甫金玉人一出爲世寶明經冠時雋揆稅發天藻

少握中秘書旋焚掖垣草翱翔涉中外結志遵大道  
晚邁

聖主知視學修三老言陳辟雍詩尊禮屬師保魚水  
方見諧縣車亦何早逍遙不赴徵匪學商山皓

懷徐中丞明叔

昔我偕明叔連翩棲鳳池直廬警宮漏染翰抽綸綵  
竝轡出休沐促膝宵賦詩風波一摧藏毛羽互參差  
倉皇竄異域憔悴迷所之而子在南郡幾復爲湘纍  
網羅有天幸王路驅以馳九遷列上卿開府陳六師  
時命有屈信古道無險夷赤心麗三辰西峴安足碑

懷方中丞定之

方叔故名儒早歲嫻述作好脩矩先民玄理資澹泊  
貌瘠不勝衣登朝凜孤鶴一麾守東都歷試弘遠略  
天子正南顧遂有元老託登壇吳越間羣兇去如削  
譬彼昆吾刀匪徒厲鋒鏑亦有園丘器所貴無鏘鑿  
豈伊謀國心可使尋常度飄然歸故廬臥龍倘相若

懷陳按察于韶

于韶兼人資負氣亦倜儻奮翼遊上都折節好吾黨  
一官輟未寧所至流逸響嶽嶽揚毫鋒詞林欲爭長  
助勦吳越墟功成不及賞達者紛相猜因之悲世網

歸臥青城顛空冥觸遐想高視一世間浮雲何決泮

懷王孫灌甫

麟趾自公族斯賢起宗周每懷親睦恩坐負匡時猷  
偃仰抱羣籍與義恣冥搜傳經屈申移談枕陵枚鄒  
奇氣未盡吐終焉託嵩丘惜哉負九鼎不以供滂牛

贈李督學本寧

李生郢中雋少齒富羣籍歌諧金石音策擬天人畫  
清廟操朱絃園丘旅蒼壁談經白虎觀承恩累重席  
豈不懷起居怡焉辭禁掖單車戒西征二華遙相逆  
言探河洛源更弔岐鄠蹟采風入邊聲陳詩沂王澤

紫氣渺中升，函關自天闢。  
彩筆陵奇觀，山靈瀟辟易。  
贈方郎中子及

子及吾良友，執經憶樵陽。  
頗聞大雅風，意氣殊飛揚。  
奮迹侶時彥，含毫吐蘭芳。  
逢時豈不偶，執戟疲爲郎。  
高歌翫一世，頌酒非狺狂。  
但與流俗遠，薄言醉爲鄉。  
荊棘羅中野，豺虎踞路旁。  
何當與吾子，改轍從和光。  
贈歐助教楨伯

楨伯起經術，脩辭一何腴。  
詩名動卿相，登用藉從臾。  
天子幸辟雍，進講趨黼黻。  
橋門警環聽，詔下恩賚殊。  
遂令當世士，翕然尊碩儒。  
天邊墜孤鴈，千里遺尺

書中有懷人篇燦若南海珠何以報知己北風重跼蹐

贈陳督學玉叔

玉叔不予老退然修父執雖鮮蘭蕙姿微芳蚤見拾  
攜手薊北門詞人正雲集恐雜梧臺觀將憐和氏泣  
和曲曲彌高操弦弦愈急恨無百尺綆持爲亢例汲  
岐路忽以攜羽翼懸相戢奄其歲曖曖停雲坐於邑

贈方山人仲美

方生自名族無家不稱貧遠遊載圖史玩誦無昏晨  
生計日以短辭翰日以新入楚邁知己慨焉思卜鄰

子桑縱琴歌裹飯乃在門原思詠商頌裘馬非所珍  
衆口嗤落魄安知有先民詩成醉且臥陶然適其真

贈胡山人茂承

茂承博雅士奇氣鬱未吐朝負惠子書暮戛梁鴻金  
游揚卿相間恥與食客伍抵掌談秕文含情慨今古  
一言感知音揮觴自起舞訪我大梁城新篇爛璣組  
與之登平臺流覽槩中土世路漫悠悠何當息縣圃

贈沈山人嘉則

沈郎故家郎文藻夙所志落魄不知貧懷才恥干世  
客遊公卿間頗欲行其意薄俗嗤直躬窮途見奇致



犯嫌諫司馬謂哭胡抗書脫飛飲謂救留客有忻詞  
名誰知獎高義

贈康山人裕卿

康生貧且病偃臥京市隅黃熊欲入寢三尸怒相盱  
門鮮親舊跡蠹蛸網其厨我獨登汝牀執手長嗟吁  
忽復有起色仰視聊須臾與之坐談稅情志日以愉  
交道從此廣詩名溢路衢偶聞逐客令倉皇安所趨

贈宗良

王孫少任俠動爲俗士嘲芻狗沉一世螺贏輕四豪  
入齧妃女脣出飲恣盤敖豈不嗜文軒衆言紛易消

中歲一折節，悅焉思素交。結情向風雅，光燄日以韜。  
澄若九淵水，湧若天漢濤。非緣和者苦，安知曲彌高。

贈貞吉

貞吉晚相邁，懷才美且多。清揚自昭質，宛彼瓊樹柯。  
食邑等列侯，所安在煙蘿。早齡恣圖寫，操翰如操戈。  
對客一揮灑，輒然開詠歌。觀者極神賞，彷彿聆雲和。  
結亭修竹間，抱膝西山阿。豈不軫王室，棄捐當奈何。

贈同伯

英英南浦雲，纏纏洪崖瀑。日夕懷我友，精廬此焉卜。  
偃仰披羣書，逶迤入修竹。朝來爽氣生，登臺騁遐矚。

簪纓豈不華  
泠然享幽獨  
冥悟養生旨  
還童儼丹渥  
神往路忽迷  
書來念彌篤  
古心託吾年  
令德企相勗  
宴灌甫東陂

飛蓋臨城隅  
芳筵集華渚  
奏鼓登雅歌  
行觴泛清醕  
林陰忽以移  
初景憺容與  
歡宴不知疲  
登臺瞰洲渚  
微瀾漾晴堞  
短棹沿孤嶼  
列室藏圖書  
蘭芬何楚楚  
主人懷天遊  
客子託幽緒  
輕颺激游鱗  
古木下脩羽  
翛然濠濮間  
薄暮復延佇

悼馮光祿汝言

馮君振青海  
結髮耽藝文  
讀書累萬卷  
棲志漢與秦

宦轍弭中外所志揚清芬暇日但著述吐辭鬱爲雲  
臨年遂高蹈東岱藏其真博哉古詩紀庶幾開後人

悼吳中丞峻伯

矯矯吳伯子振翼自天目一入金馬門翱翔漸雲陸  
千秋結遐思羣籍佐休沐閉戶調清琴弦柱傷局促  
一鼓越人吟三歎郢人曲人琴今已矣誰其弔芳躅

悼顧山人季狂

季狂亦吳人落落但自喜頗無鄉曲譽幾作囹圄累  
一遇宋邑侯尊禮爲高士憤俗難與居狎狂去千里  
四十始言詩詩名忽焉起放歌燕趙間高會王侯邸

交游總賢豪見賞卽知己傷哉海上魂不反南宮里

長洲里名卽季狂所居

### 答劉子威侍御

昔我客夷門逢君良亦偶逡巡望華軒那能厭塵垢  
豈無南山角恥爲鮑叔扣雖有陵陽珍難爲樂正剖  
浮雲易誤人白日惜攜手岐路一相乖川陵限求友  
尺書展慙慙知己無先後望望闔閭城長江亦東走  
春日偕兒輩郊行因就田家小飲

微風蕩晴旭好鳥鳴相求韶景在東墅散步恣行遊  
行行越初邇村陰亦何稠二麥秀高隴百卉榮道周

道逢村中叟招邀涉林丘酌酒烹伏雌竟日相綢繆  
列鼎安足旨朱紱生繁憂垂老返故鄉稚子歡見休

贈趙汝脩

庭扁有五嶽海外環九州騁目蕩情志側足虞涇丘  
斥鷃睨翔鵬遠邇難爲謀八駿不踰階抱影成周遊  
所以逆旅人翻然詆巢由豈知守一隅乃能遵道周  
至人思達觀常與元化侔期君秉高節皓首以忘憂  
四月十五夜回家兄及兩兒子劉甥以雲方山  
人仲美湖上泛月

陽景盛初夏明月生我庭起步臨東臯湖水清且泠

汎汎中流波方舟杳不停仰天浩無際俯首瞰列星  
微風動百草衆山何青青況我諸骨肉顧盼怡中情  
良朋雜歌笑一一生蘭馨觴酒足遺世安用稱獨醒  
和汝脩苦熱詩

驕陽炳丹塗鶉火煽煩燠企雨旱益殷招風氣彌毒  
百靈慘不舒赤地焦九穀汎乃近市囂炊煙鬱墻屋  
側身苦踉蹌餘喘何局促起臥總無常飲啄非所欲  
安得偕吾子逃之崑崙谷朝吸清露餐暮卽玄泉浴  
贈張子元

崑崙奠西極培塿造其端宣氣產神物羅列仙人壇

瑇瑁長爲林翳水流爲丹地乳溢中土鬱鬱靈鼇蟠  
五嶽五卷石九野九彈九冥境浩無際所貴在達觀  
愚公慮苦遠智叟從所安臥遊有至理意適神斯完  
梧塘山居喜羽王京兆過訪

女夷暢天和玄鳥在高木藂篁夾脩渠再羅翳巖屋  
微風自東來爽氣襲初服灌園不知疲臨流飲黃犢  
興至發浩歌餘響赴空谷眷我青雲交廻車訪幽獨  
歡言漉新醅佐以山中藪圖書恣神賞郊原縱遊目  
石淙鳴樹間頗勝絲與竹俛仰從所欣居然遠流俗

石蘭溪再詠



仲春和氣舒肆眺青陽光芳蘭被脩渚嘉樹羅崇岡  
況乃從我友逍遙上河梁谷風振靈籟湍波送流觴  
遠慕箕穎節近希沂水狂景會神亦適因之等彭殤

蒿苳歎

山中故無蒿苳偶向羽王乞種成畦旋爲積  
雨所傷因有此歎

蒿苳本常蔬所貴君家種分我雖不多屬意良已重  
短根新入畦翠葉忽成薺小摘差可羹頻鋤始息踵  
稍爲久雨困遂作污萊壅惜破塊勞實懷漏天恐  
物生各有際陽景何瞋

同方聖休游滄浪亭

朱明氣方燠，燠氣迫環堵。出郭從所忻，幽懷歛焉吐。  
白日春尚小，微風漾平浦。飛觀凌蒼煙，長橋曳如組。  
踟躕遠市囂，翛然一寧宇。向夕移輕舸，中流坐懷古。  
臺榭成遺丘，鳬鷗自爲伍。詠彼滄浪歌，吾意亦漁父。

贈友人

之子清且揚，懷珍美無賈。含毫吐其真，炙轂慕風雅。  
冉冉將踰時，孰爲知音者。輕舟涉江濤，叩我重巖下。  
坎壈知所安，踟躕隘中夏。鬱鬱平生心，當杯一宣寫。  
從文仲得子與書有感

客從南州來遺我孺子書裂帛不盈尺抗意何鬱紆  
相思日以老會尚日以疎顯晦從所邁冉冉流光虛  
良懷子文懼遠弔三閭居況當感銷落淚下沾我襦  
酬孫兆孺

雲夢楚奇觀九水自今古西湫嶓岷根東膏吳越土  
煙光浩無涯日月相吞吐我昔乘輕舟陵虛縱遐覩  
將挾蛟龍遊遽犯風濤怒遊子在中流宛爾滄浪父  
眷我亦何親玩世亦何武千載微屈平誰其詞賦祖  
宋載道遊豫章還楚以途中諸作見報

誦子豫章行知子意不適風雨何滯淫一水遙相厄

況邁知音希俛仰滋局踖豈歎出無與良嗟璞爲石  
愧焉思古人珍才重賓客白璧交虞卿雕龍侈鄒奭  
今茲行路心縱橫忽如奕歸與江漢濱且仗看雲策

與茂承言別

北風吹大荒雨雪無停曉戔戔結層冰啾啾過寒鳥  
遊子思故疆歸心忽如旄川途何滯淫兼之歲云杪  
斷蓬在河因浮雲在天表聚散歷恒蹤憂多樂苦少  
所須在知音且復酌清醪

題方元素竹里館

不是輞川莊誰題竹里館林浮陸海陰席布蓬池滿

浥露清琴書調風作弦管求羊自吾徒三徑何時欸  
曉登顏子山絕頂

凌晨躡飛巒海日射天表三楚其在茲衆山亦何小  
襟袂生流雲巖藂息過鳥何當遂巢居勿爲塵緣擾  
下山作

野性難爲馴浮踪信所止尋仙未授丹望氣不成紫  
山險石爲林谿虛雲作水道逢耦耕人却悟全身理  
二月望後紅梅始花憶嘗與羽王共賦催花詩  
今羽王有蒲圻之役不及共玩悵焉有懷  
有約看紅梅花開人已遠晤言難可常春事亦何晚

豔比華林園香分大庾阪聊當誦君詩延竹向蘭畹

園居

岐路迷所適言反幽貞廬悠然謝塵埴地遠志亦舒  
腰鎌刈蕪草灌畦得嘉蔬持之市美酒與客臨清渠  
班坐無倫次杯行從疾徐酣至發高倡微風蕩襟裾  
聊以解形役安知與世疎

還過白厓

赤水不勝葛白厓重拭衣纔嬰瘴波毒忽失朱夏威  
氣候乃如此土風難可依飄飄遠遊子役役何時歸

龍龕洞藁卷之六終

甌龔洞藁卷之七

武昌吳國倫著

始安張鳴鳳校  
新安方尚贊

五言古七十二首

初夏遊小武當

卽顏子山

氣候清且和川光渺澄霽載酒攜良朋通波杳然逝  
攬衣歷平阜南山在天際翔鳥遺好音芳華款流睇  
陟彼千仞岡林巖歛虧蔽暘以鳴泉醒倦依蘿石憩  
陰洞噓寒飈幽籟互相遞飛巘夾靈宮境寂非人世  
羽師難可逢丹鼎久云閉何當遂休餐茲焉學蟬蛻  
北園觀小僮摘櫻桃作



北郭有嘉樹芳華粲以繁朱櫻何纍纍灼我薜荔垣  
脩藂蔭滄浦連珠耀日丹童子攀其條采采不盈簞  
我聞麥英子服之美人顏赤玉爲其液承以清露盤  
裏袖豈無意將以遺所歡

同日得元美敬美書一白吳下一白南昌並有

子與之卹恰焉興懷

矯矯雙飛鴻奄自雲中墜爲通千里心各以數行字  
省會兩心同一字一揮淚吳楚天茫茫懷人杳莫致  
夙昔何慙慙今茲徒寤寐況乃臨風波傷哉獨垂翅  
仰首瞻青旻浮生總如寄相失猶所安相捐亦何易

游魂不可招湘潭亦顚顚往者日以疎來者日以累  
殘月從晨星微光遠猶庇金石久不渝終焉託高義

王行父以白麈尾見惠賦謝

蓬居袵新暑抱影何鬱紆美人涉江來蘭佩青霞裾  
授我白麈尾入掌從所如垂綵動繽紛流影明月俱  
玄談應妙理微氛蕩以除同塵勿言達獨清未爲愚  
在御卽所珍安用隋侯珠

移居與四兄稍遠悵然興念作此詩

同胞而異居於義已非古況乃隔城郭咫尺如分土  
雖匪參與商疇爲禦其侮四顧鮮所親怒焉傷肺腑

磨齒泣血  
鬢毛日以白色笑日以阻及時展歡宴聊復考鐘鼓  
願比雙頭樹交枝陰縣圃願託雙鳴鸞齊聲振寰宇  
室遠分益敦猶然一環堵

### 悼秦姬有序

秦姬者燕京秦氏女東陽李彥甫之愛妾也  
彥甫故爲武昌令攜姬之宦三年當入計因  
買舟遣使送姬還比至弋谿遇賊姬恐見污  
自沈水死嗟乎姬烈矣傳稱符鳳鄒待微妻  
竝死于水不爲賊辱其烈殆與姬同然姬一  
妾婦也不謂難之難者乎予聞而悼之乃有

斯作庶幾可以風世云

小姬出名都有美清揚婉憶侍君子時華簪髮猶短  
雖鮮終席娛寧辭抱衾晚豈知別中路恩愛須臾斷  
利刃白如霜雞肋難爲捍罵賊良自羞呼天亦已遠  
委身赴清淵一決不復反矯哉金石心千秋耀彤管

贈金將軍

將軍故儒流意氣亦何激所志在四方乃學萬人敵  
力能挾九鼎巧欲嚙飛鏑上馬橫琱戈下馬工草檄  
角射長楊苑一發破懸的矧茲用武時邊烽未全熄  
但徼推轂恩捐軀赴戎狄豈必孫吳徒獨樹疆場勛

矯哉班定遠榮名起投筆

暑中臥病柬仁甫

夏日之日長炎輝猛相迫三日不見君何啻九秋隔  
況乃嬰宿痼偃仰傷局踣薄帷震蚤蟲中夜起辟易  
密雲不爲雨四顧徒倚策豈不思奮飛惜哉無羽翮  
餘生信須臾萬慮忽已擲

病暑簡羽王時羽王領漕將別

熇暑氣伊鬱臥痼情內傷炎風不解愠晨雨滋爲殃  
汗下膏枕簟豈復勝衣裳膚潰半欲流喘急時自僵  
蚊蠲苦見侵中夜起據牀河漢明我前那能奮翺翔

念我同袍友三年滯江鄉豈不懷魏闕欲濟川無梁  
況當遠行役別我岐路旁誰謂形與影渺若參與商  
含意不及吐踟躕毒中腸

答汝脩今昔歎兼示則勸

結髮從吾子遨遊六藝場有友二三輩志業亦相當  
矢言厲金石豈復虞風霜天運漭相斥盛年難可常  
所遇良不齊相望各一方匪獨嗟顯晦兼之感存亡  
亡者骨已朽存者思未央白髮日以短誰保百歲康  
何不屏俗營歡言處同堂詠彼伐木詩聊以不永傷

抱膝軒爲宗良王孫題

八極茫無垠美人在南浦抱影甘一隅投足不盈武  
菌桂楮爾牀椒蘭實其廡因之息交遊益復厭簪組  
所志豈不遐蕭然面環堵瑩精理柔翰埤照託清醑  
境寂神易怡卑棲亦縣圃睥睨世上人營營自今古

樊山王東園宴集

涉江采幽蘭江路阻且遙豈惜行路苦恐雜艾與蕭  
美人眷同臭解佩行相招歡言展高宴綺閣開層霄  
奇卉粲以繁脩篁夾飛橋潛魚躍華池翔禽厲神飈  
珊瑚盤進嘉膳瓊巵瀉甘醪吳歛變初節楚舞何妖嬈  
衆賓起爲壽賤子申久要弦以大雅肯結以青霞襟

庶幾永終譽千齡無松喬

贈劉山人長卿

嚴冬盛朔氣雨雪淫川途噉噉孤飛鴻凌風劇哀呼  
所願得儔侶翱翔與之俱之子處逢室亮懷瑞與與  
至寶不見攻幸哉完其初求友之四方日月潛居諸  
歲晏從何來云自天一隅混混江漢流抱我幽貞虛  
清言中微旨契合良不虛今將與子期結韞趨中衢  
杪冬日偶過北園汝脩子元攜酒見訪

步出北郭門言遵大堤曲踈楊不成村煙霏澹相屬  
冬盡鮮餘寒亭臯被晴旭微風吹落梅清池燦如玉



塊然感窮交老至念彌篤豈獨愛景光因之避流俗  
移樽遠相求引滿詎厭促流連恣餘歡徙倚寄玄矚  
安川懷百憂此生長錄錄

悼俞仲蔚

吳都故佳麗燦若春華芳冠蓋紛相索文藻何煌煌  
斯人抱冲寂屏居婁水旁抗意游古初含毫厲秋霜  
藜羹苦不繼停芟爲衣裳況乃嬰風病抱影時自僵  
仰吸甘露脂俯拾明霞璫友人王與徐偕之和清商  
我亦造其里興盡回舟航良無握手歡神交幸不忘  
悠悠三十載書札遙相將字以璠璵珍臭若蘭蕙香

豈必奉色笑然後稱同方  
矯首忽東望  
望阻且長  
白練不復覩  
但見少微光  
遂作高士識  
千里爲徬徨  
朝露本易晞  
人生亦何常  
垂年失知音  
安得不永傷

### 遽園詩

遽園者南海歐楨伯所居園也  
楨伯年且至  
始仕爲民部郎  
以非其志  
每飯不忘園居書  
來索詩  
且曰將奉故人一言  
逝矣  
因賦此招  
之

南海多奇珍  
美麗盈路衢  
之子獨襄朴  
結志蓬蒿居  
開園十餘畝  
種樹亦種魚  
脩竹千青冥  
雜卉蔭前渠

朝采虹澗蒲暮擲鼠壤蔬彈琴詠往古優游涉華胥  
軒綬豈不貴義輪日以徂榮名難久持雲臥寧久虛  
況乃疲執戟何如反其初飄然遂高蹈天地吾蘧廬  
雨後同方仲美覺上人泛蓮華池二首

涼風起平臯披衣出蔬圃眷彼芙蓉花灼灼滄浪浦  
一葉浮中流微波漾如組菰蔕發短簫鷗羣犯柔櫓  
返照懸東山殘雨迫西澣夕景幻無端二客何栩栩  
其二

北出高陵門飛橋百餘尺障茲千頃波偃作魚龍宅  
偶爾乘輕舟寅緣歷沙磧雨氣與雷收光中流互相射

參差衆樹青  
陸離遠山碧  
臨風發浩歌  
萬事渺焉擗  
鄭少叅汝志  
自閩中遺予  
武夷蘭二盆  
賦此志

感

幽蘭長靈谷  
挺質何歲蕤  
離離雜衆草  
每爲世所遺  
我欲挹清芬  
道遠莫致之  
感君眷同臭  
爲結山中期  
采采不言勞  
移根庇其枝  
千里置我側  
恍若躋武夷  
隨風發餘香  
鬱鬱九畹滋  
援琴不成操  
薄言有所思  
夏日浣芳池  
曉坐

曉坐浣芳池  
林陰不知暑  
涼風遞清籟  
零露沾白苧  
俯檻觀遊鱗  
澆澗如相語  
仰見雲中禽  
離哉何高舉

況無車馬喧塊然獨容與鐘鼎非所歆豪傑故吾侶

與張羽王言別四首

昔我涉南浦行吟何綏綏與君一以邁歡言日追隨  
斗酒義不薄悅焉臨路岐亮君策高足慰我長相思  
時命苦見厄世路多險巇偃蹇克求位何以展其奇  
重會各已老乍喜還復悲人壽非公喬安見河清時

其二

江介多悲風吹彼斷蓬草飄飄離故根漫漫趨遠道  
念子懷璠與舉世不見寶朋足豈其愆泣血呼穹昊  
所至突屢移榮名豈常保天命良可疑憂心忽如掃

百酒盈我樽與子但傾倒歸與巢桂林勿復傷懷抱  
其三

拙宦良所安解龜學爲圃漢陰本吾師於陵亦吾輔  
那知夙所親懷牒適吾土敘此平生歡興文辨今古  
朝陟龍山顛暮浮下雉浦清遊良及時何乃行役苦  
泥途困逸足卑棲局修羽拂衣從此辭相顧涕如雨  
其四

漠漠蒼梧雲迢迢九疑山前路脩且阻遊子當來還  
千里不言遠徒步非足難入門視四壁荆棘充其間  
童稚走相逐淚下俱潸潸以彼飢寒色顧此憔悴顏

百歲但相保何必去故關懷才竟若斯仰天爲長歎  
石潭

山懸忽中斷水落深不流老樹穿石骨洄波觸沙頭  
村藏捕虎檻渚集鎔魚舟曲岸遞相迫迴從愚谷遊

望龍山

桓公展高燕乃有龍山巔大會文與武冠蓋相周旋  
誰如孟參軍天質任自然墮帽了不驚請筆辭翩翩  
茲風已千載朝市凡屢遷山前有故邑化爲陌與阡  
我欲矯雙鳥荆棘難可攀延佇發長嘅萬壑生寒煙  
上石門灘

挽舟上石門懸流散洄湫雙崖迫相撐頽類褻中谷  
潭深杳莫窺下有老龍伏白日吼迅雷遂恐震坤軸  
舟師殫餘能避之淺沙麓咫尺難遽前頽陽一何速  
改轍登平岡漸近田家屋豈不憚驅馳庶幾保傾覆  
歲暮懷仲美因寄

冉冉歲云暮雨雪彌路岐百卉脫欲生日月潛推移  
飄飄遠遊子一往無還期江漢深且阻形影何繫縈  
豈其乏舟楫反顧中自疑褰裳采蘭杜諒當不我遺  
我有一杯酒思與子共持子來毋滯淫相樂但及時

豫章行贈曾文學



豫章表南服孤榦何輪困靈根入無地枝葉干青旻  
本爲明堂資委之幽澗濱匠石弗見采居然葆天真  
農人社其下端冕稱明神私願亦已足寧辭雜荆榛  
鄒彥吉使君招飲赤壁

使君展高宴飛蓋臨江圻陟彼千仞石樓觀何崔巍  
下有蛟龍窟洪濤震漁磯古人一遺跡我來寧有期  
中庭見樊口浦樹相因依舊遊日以新新知良不疑  
密坐恣勸酬清言肯如飴君但發高唱勿謂知音稀  
懷舊詩有序

予登西山因憶嘉靖己酉歲嘗從熊元乘李

子恢劉仲將登此飲甚歡後元乘仕至御史  
大夫子恢爲郡丞仲將爲縣令閔今三十餘  
年三君物故久矣予獨以暮齒重來蓋惻然  
傷之爰賦一詩寄愴焉

新裁薜荔衣服以涉江遊言躋九曲嶺俯見崢嶸洲  
吳宮化爲剎安從識南樓但有參天樹空門鬱以幽  
昔我二三友少壯稱名流攜手歷茲境訪古恣綢繆  
須臾委路岐駒迅不少留重來髮已華屈指三十秋  
山川故無恙逝者何悠悠抱此山陽感顧望增百憂  
人鮮金石資松喬誰與儔令名苟不朽彭殤盡一丘

謁熊元乘中丞墓

弭棹江之沱，褰裳涉脩隴。野煙蔽叢樾，中有祁連冢。  
宿草何離離，石闕如人拱。傷哉我所親，義比丘山重。  
半生在兵革，間關無息踵。功成殉海邦，道路哭且踊。  
生爲萬里城，沒被長陵寵。夜臺不復旦，使我涕如涌。  
絮酒揚微馨，淅淅陰風動。

弔嚴叟

叟武昌縣人  
卒年近百歲

我昔年少時，逢君已稱老。託交三十春，每見顏色好。  
豈其餌大丹，相將赴蓬島。逡巡九十餘，與客猶傾倒。  
一夕謝世人，飄然脫煩惱。尺土藏空衣，脩靈在穹昊。

偶爾經故居酌水羞聽瀑驪宮與却山與君誰壽天

西塞山觀酌酒行甫

鄂渚多名山蜿蜒薄江介邁茲清和景與子同千邁  
上下三百里驚濤澎湃小回遡大回輟棹探奇概  
陟巘摩穹霄分泉吸沆瀣登頓不言勞賦詩殊慷慨  
廻舟御天風須臾下西塞巨浪排山鳴積石一何怪  
攬衣造其巔業已出霞背南北塹一水衆山俱壘塊  
巖藏古玄宮班坐無纖礙黃冠煮新茗僮子進鮭菜  
淺酌聊數行白日垂鸞鍵庶幾古逸民清言自爲快  
春春十日飲遂恐千秋代子行將何之臨流忽長嘅

勝蹟杳未窮良晤難可再願比雙黃鵠逍遙九天外

答彥吉二首

彥吉清廟材弱冠綜六籍吐氣宜幽蘭好脩自和璧  
稍聞七子風彌滋千古癖一出鵷鵠編觀者盡辟易  
豈不在畏途抗志惟所適黃鵠厲高空疇能比其翮

其二

詞家祖離騷王述在風雅作述有代興汚隆不相假  
今茲避嘉言古道還中夏譬彼園丘器所珍陶與冶  
瑯琊有名甥識曲悲和寡入以問在朝出以求諸野  
神驚九天土思沈九淵下含毫不憎禿會意亟宣寫

一語如有神連城非其賈豈予邂逅間覲爾同聲者  
劉世仰還自金陵云過潯陽時爲大風覆舟僅  
以身免酒間賦此慰之

千里白門來相逢轉相惻豈無杯酒歡不解風濤色  
九江何險巇二儀忽傾側幸免遊魚龍將無有羽翼  
入室魂且驚拜母淚初拭倉皇理圖書匍匐弔親識  
義命應所安倚伏詎能測願子戒前津勉旃崇令德  
偶書六首

臯陶昔爲士執法乃行仁疑輕緩其死仁至法亦伸  
何哉申商徒秋荼日以殷漢相佐草昧除苛監亡秦

況乃際嘉運上有 冲聖人宜宣好生德庶保無害  
民

其二

乳虎紛揚威屠伯亦何廣三章約已虛五毒更相枉  
一入無赦條誰從辨鉤黨衛索不逮餽梁書不遑上  
駢首就誣服冤氣鬱霄壤怪哉咸陽市白日號魍魎  
其三

生逢太平時德意何局促三宥恩未彰罪累屍已伏  
豈無東海冤亦有渾良哭一史按刑章千人登鬼錄  
誰云酷吏風作俑自帷幄殺氣干天和安望于公福

其四

大臣自休休朝士自謬謬庶幾盛世風其剖心膺託  
古道一以微周公豈復作愚夫諱言病死不受良藥  
一語犯其陰恣睢忍相虐正氣幽圜靡英才置靡莫  
防口何大勞調元日以薄烏鳶嚇未休腐鼠畏人攫

其五

匹夫但懷璧逸民多放言或鼓雕龍舌或歌哀鳳篇  
豈不犯時諱古道能容賢江南兩狂士胡乃嬰微纒  
非有竊鉤行亦無驚蹕愆月旦豈盡私春秋儒者傳  
承風互監謗巧詆成沈寃橫同襴衡厄舉世相哀憐



其六

昔聞涸澤蛇大小相銜負小者稱神君大者幸自固  
羣超越山梁行人皆辟路中遘捕蛇兒揮劍逞其怒  
大小盡一時首尾不遑顧智哉田成子反爲鴟夷誤  
抵黃州聞仲美先一日東下從江上相左

日予有遠遊五嶽從茲始豈不與子期望望春江淡  
江路廣且深風帆忽如駛中流一相失淼淼千餘里  
佳會難可常懷人日未已行行歷芳洲采采蘭與芷  
過漢上悼亡友陳憲卿李師孟

憶昔偕我友齊軌適皇陸從之鵷鷺序竊藉芝蘭馥

憲卿秉玄覽師孟振奇服折節申古歡興文謝醴酒  
各有萬里猷韋弦遞相勗婉孌方及時嗟予負流俗  
微衷不竟宣此離以跼伏我友亦浮沈參差臥林麓  
雖鮮鐘鼎勞幸哉無失足庶幾江漢間垂老致心曲  
蒼天故悠悠降割亦何速奄此一歲中懔然毀雙玉  
茲晨涉雲杜引領思遐躅忽忽浮雲端嘹嘹雙黃鵠  
感彼鶴匹聲滋我肺肝毒夜臺何綿綿宿草尚一哭  
各有象賢人無煩閔華屋

過郢寄懷李本寧二首

進帆歷滙沔暮泊蘭臺陽眷眷屬所私攬衣起徬徨

美人別何許音徽渺相將室遠猶爾思漢廣亦可方  
胡爲一水間曠若參與商清風颯然至宛復歌春陽  
含意常誰吐中洲采芬芳芳欲自致覲彼晨風翔

其二

冥造浩推移屈信遞相倚人生詎有涯明哲諒斯理  
予昔遊帝京斐然號良史絳灌一以疎惡用直如矢  
浮雲翳大空白霧騰海市變幻曾須臾河清復爾爾  
見日不見煬衆賢拔茅起予其戒安車驅馳以萬里  
過沔口聞陳玉叔北上不及一造悵然有懷  
條風蕩重湖水氣倏已暖漸與春服宜不厭舟行緩

輟棹遵脩隄橫流忽中斷跂瞻夏汭園伊邇玉沙館  
豈不眷斯人衡門屬誰款高高黃金臺躍馬去未返  
躑躅塞芳洲徘徊歷蘭畹落日昏前林浮雲逝已遠  
但聞漁子歸踏歌出修阪嘹嘹沙際鴻因之託繾綣  
玉叔庭中有石如虎寄題贊之

怪哉昆吾洲有虎化爲石移置君家堂觀者盡辟易  
匪由精衛銜或假巨靈擘爪地藏餘威興雲表文春  
坐使熊渠驚不受梁鵞迫爲君驅百邪長當鎮華宅  
遇真宮卽事

結侶行采真修途亘川陸踉蹌二千里靈山始投足

仙關闕宵冥馳道紆以複列嶂圖曾城崇柯蔽玄谷  
宮闕儼帝居金光蕩晴旭黃冠奏笙璫導我入雲麓  
飛竦鬱爲梁潺潺漱寒玉此中有真氣萬儀凜清穆  
所以張異人於斯悟仙籙丹成羽翼生冲舉謝塵躅  
不聞天子招霞外信飛伏遺像亦委蛻誰能強結束  
勝地追高風我心淨如浴雖已逃世網胡爲混流俗  
長當從此辭餐芝駕白鹿朝從緱氏遊暮託崑崙宿

謁太和宮

望望太和山行行衆峯杪百折三天門岩巖出雲表  
朱宮敞清虛列室嵌幽窕逡巡躡飛霞飄然縱遐眺

仰驚一柱絕俯瞰九州小雪嶂森琪林星樞肅靈  
八璫淒以清空香陵縹緲歆茲上元居淵淵淨諸

謁五龍宮

涉淵遵飛橋凌虛踰層嶺遙窺縹緲峯漸躡冥濛境  
龍鱗怪石根鶴下危松頂紫蓋垂紛紛丹梯鬱蕭  
山纏九曲垣泉沸五龍井連蹇上帝宮天矯神人  
被閣叢霄紆羽室繁星炳玉象含異靈金輪轉空  
聖代崇玄功清遊諧幻景幢揚百禮登鐘發萬方  
陟險身忘疲憑高目爭騁隆草秀可餐珠華粲堪  
依稀月佩還想像雲衣冷因探無上詮遂有太初省

息心撫元化諸安一時靜

寄贈漢陽蕭太史二首

天閣啓雲長阿閣陵太清玉露湛以繁縹緲雙金莖  
美人奮荆服連翩翔帝京朝霞麗苞彩咭咭文鳥鳴  
一鳴律呂諧再鳴萬象驚因知楚有寶所貴非白珩

其二

昔昔楚先民實建文苑苑左史業墳典左徒著離騷  
後死聞其風代興多詞曹大別與小別差我薄江皋  
蕭氏有二龍驥首如爭高英英造天關嶽嶽簪素毫  
將脩鬻子緒趨踰勿言勞

葉山人茂長客鄒黃州所將過訪予暑中先以  
三詩見寄率爾報之

大火行丹達颶氛一何毒密雲不致雨樊居爲予楷  
念匪金石資何當苦煩溽氣結難可舒中夜起躑躅  
詎知江南生能爲郢中曲一歌白雪揚三唱清風足  
宛在一水間泠泠意相屬豈其物外遊遂從天池浴  
翛然海嶽姿不受纓綬束相將邁至人與之縱遐矚  
陟彼閭風巔舉世皆局促

喜葉茂長至

秋風厲江介潏潏揚洪波白日赴濛汜天吳立差義



蛟龍吐妖氛漁子潛山阿有客故好奇來如濟天河  
輕槎犯河鼓倏忽相經過豈不畏涉險結志趨煙蘿  
入坐陳平生銜杯咏且歌始悟新知樂一日良已多

酬茂長

鴻鵠下秋旻徘徊漢江浦將止命其儔將飛厲其羽  
所志在寥廓恥與鰥鶩伍念子懷清風頗遭流俗侮  
求友之四方獨行何栩栩叩我空谷中陳詩慨今古  
萬里一知音無辭遠遊苦豈效鄉曲士終焉守環堵  
北園酌茂長醉賦

蟲蟲原上柏累累水中石木石我所依薄言靜者宅

初秋天氣清忻此遠遊客客遊何所希一語成莫逆  
剪韭烹露葵侑醕甘於炙微颺入林幽落霞被山赤  
灼灼紅蕖姿娟娟青桂魄野性難自持移舟擘芳澤  
抽翰不成辭臨流意俱適差擬蓬池觴何如西園席  
醉臥從所便千秋亦陳迹

夏日吳孝甫見訪北園一醉逃去寄此嘲之

遠來何所聞忽去何所見豈薄竹林棲故逃河朔宴  
煙波潏自疑花石虛相戀怪殺高陽徒酒態亦中變

贈劉生二首

劉生故任俠何自來雲林懷刺已半敝鼓囊時一吟

傲遊狹五嶽然諾輕千金長夜與之飲鬯然披素襟

其二

壁立不言貧布衣不言賤遊揚公卿間但醉無所羨  
晚遇方外人約與壺中見投我一粟丹何時反童面  
古意贈茂承

長松偃歆壑亭亭霜雪姿文采鬱虬龍層陰被中達  
上巢千歲鶴下結萬年脂爲材豈不碩匠石渺未窺  
幸與斧斤遠免爲溝中資行者息其陰清風颯來茲  
諒彼歲寒心可以貫四時託根旣云異至性良不移  
豈其雜衆芳奄隨秋草萎方外得我友高節洵如斯

贈張禹卿

秋風起江介，翔鴈鳴于征。江水日蕩潏，鴈往無時寧。  
相將顧儔侶，嘹嘹雲中鳴。雲中曠沈寥，但遠虞羅驚。  
嗟嗟旅遊子，離離適南荆。新交良不薄，況乃思同聲。  
何以實邊豆，共此葵藿羹。何以克雜佩，贈之蘭與蘅。  
冬日臥病熊惟遠來見訪與之小飲作

北風天雨雪，玄雲蔽江關。病骨趨龍鍾，裘敝不禦寒。  
陽輪豈終匿，忽忽歲且闌。閉門但僵臥，餘齒日以艱。  
之子從何來，云遊江漢間。登牀執手，灑淚陳辛酸。  
浮家坐自誤，行旅徒蹒跚。新知豈不樂，無以要古歡。

歸來面四壁蕭然發長歎婚嫁苦未畢故土寧盤桓  
病夫起相慰百憂何時寬得酒且放歌毋爲凋壯顏  
大孤小孤

大孤鄣湖口小孤插江心相望百餘里不與波浮沈  
雙標雪頂突萬仞雲根深舟行但一瞬霄然開我襟

### 攔江磯

驪龍行度江垂首曝其脊中流激風波化作橫江石  
灩澦莫稱險天塹猛相扼舟子捷如神經過猶辟易  
過鰲磯

江城蕪藻間沙磧半浮沒九水落天門回流漱石骨

愁殺峭帆人恐犯蛟龍窟而我但一葦凌空迴飄忽

天門山

天際一拳石何年巨靈擘厝作東西梁長江此中割  
石勢爭奮飛江聲湊相迫千帆過如雲壯哉天門關  
遊燕子磯同行甫仲美賦

江行曉名山茲山何翠微繫舟兩崖間數峯倚天出  
矯舄恣攀躋巒光秀堪拈縣榜躡虛無迴波潏蕩滴  
飛閣鼇貼危風帆鳥爭疾奇哉燕子磯坐瞰鮫人室  
古臺樹盡樛陰谷蘭始茁引望窮東南徘徊忽自失  
拂石喧傳觴探奇競操筆酣歌激清籟萬境俱瑟瑟

遊弇山園同元美敬美行甫仲美賦

開園婁水涯麗美東南擅夙昔牽神遊茲遊況清宴  
入門世已非踰梁境復變磴道蟠鬱紆池華展葱蒨  
崇臺冒霏霞陰洞積霄霰林端石競飛巖際瀑紛濺  
舟迴欹樹灘衣沾落花片結構成化工攀躋俯文練  
縹緲僊人樓氤氲菩薩殿玉笥藏貝經金光朗珠面  
乃知靜者心無復人間戀緩步從所如微吟有深眷  
開筵面通波秉燭更幽院宛其梓澤津掩彼蘭亭讌  
佳會及春陽交歡竝時彥三晨歷未周十日飲何厭

別章元禮

元禮遇予弇山園輒復戀戀追陪歷姑蘇荏  
箬間凡踰半月雅好古文詞下問不已而予  
實無以承之茲返棹過道場山言別爲賦此  
志感

逢君婁水湄別君菰城下往返十舍餘兼旬接杯舉  
新知成古懽私衷歷宣寫抗意起先民鼓行探作者  
謇余楚狂生齡衰識彌寡何當報殷勤偕之振風雅  
風斤思郢人神鐸待歐冶子其壯爾輶挾轡馳中夏  
丘謙之使君過訪山中有作賦答

漢廣秋水深美人渺何許葭葦不勝霜鳬驚棲復舉



孤舟暮實緣泊我滄浪渚豈不畏風波勞勞眷其侶  
反棹嗤王猷命駕薄嵇呂入門諧夙歡呼兒進雞黍  
當杯復何言四顧獨延佇遺彼簪紱華忻茲方外語  
酒酣發高倡林光澹容與

壽俞徵君應瑞七十

徵君本儒家布衣磨崖塊機事夙已忘德宇亦何廣  
近市豈不譁居會薄爲駟於余三世親況乃十年長  
抱經昔同門徙宅今比壤交久義益敦年高氣逾朗  
呼盧夜追歡縱歌時自賞燦彼南極英宜茲上庠養  
燕喜及良辰笙鏞發清響客陳老子圖兒捧盧敖杖

彩雲切魏冠甘露分仙掌爲結千歲期容與義皇上

贈王行甫

王郎屈樊楚矯志遊玄虛門胄豈不華軒冕非其愉  
掩關理羣籍操翰從所如往往出新牘燦比明月珠  
謇予匪涓曠微音託笙竽調弦應同聲金石矢不渝  
爰偕五嶽踪形影常與俱飲以清露漿臥以幽貞廬  
逃世醒醉間吐氣高雲驅方外得斯友油然古人居  
因之戒遐軌百歲以遽遽

龍龕洞葉卷之七終